



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE VERBO DEI|| scripto & non scripto,|| QVATVOR LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, 1599

VD16 B 1607

XIII. De libro Sapientiæ.

[urn:nbn:de:hbz:466:1-53828](https://nbn-resolving.de/urn:nbn:de:hbz:466:1-53828)

brum ex Chaldæo sermone in Latinum, nihil de euersione templi in sua editione posuit. Et fortasse ista additio Graecus textus in caussa fuit, cur tot grauissimi auctores, Eusebius, Augustinus, Sulpitius, Beda in hac historia suo tempore collocanda, decepti fuerint.

CAPVT XIII.

¶ *De libro Sapientia.*

DEBER Sapientia testimoniū habet ab antiquis Conciliis & Patribus. Concilium Sardicense in epist. ad omnes Episcopos, cuius meminit Theodoreetus lib. 2. hist. cap. 8. ex cap. 7. huius libri probat, filium Dei esse rerum omnium effectorem, & verum Deum: Concilium item Toletanum 11. cap. 1. librum Sapientia Scripturam sacram nominat.

Denique Patres idem docent. Nam DIONYSIUS cap. diuinorum nom. ut librum sacræ Scripturæ citat. MELITO Asianus in epist. ad Onesimum in Catalogo sanctorum Scripturarum Sapientiam ponit. CYPRIANVS in lib. de habitu virginum: *Cum dicat, inquit, Scriptura diuina; quid nobis profuit superbia, etc.* Similiter CYRILLVS lib. 2. in Julianum ultra medium, vocat Scripturam diuinam. BAVVSTINVS ex professo docet & probat, ex hoc libro posse confirmari dogmata, & librum esse Canonicum, lib. 1. de prædest. cap. 14.

Et quoniam Kemnitius incredibili impudentia hunc locum Augustini truncatè citat, & asserit apertè ex hoc loco colligi, hunc librum non fuisse Augustino diuinum & infallibilis veritatis: totum locum audiamus: *Quod, inquit, à me quoq[ue] positum, nimirum testimonium de libro Sapientia, fratres istos ita respuisse dixisti, tanquam non de libro Canonico adhibitum. Quasi ē excepta huius libri arrestatione, ipsa non clara sit, quam volumus hinc doceri.* Hæc citat Kemnitius.

Sed audiamus quæ in eodem capite infrà ponuntur: *Non debuit repudiari sententia libri Sapientia, qui meruit in Ecclesia Christi de gradu Lectorum Ecclesiae Christi tam longa annositate recitari, ē ab omnibus Christianis Episcopis ēsq[ue] ad extremos laicos, fideles, p[re]nitentes, Catechumenos cum gen-*

Generatione diuina auctoritatis audiri. Et infrā: Oportet & librum istum Sapientia omnibus tractatoribus anteponant, quoniam sibi eum anteposuerunt etiam temporibus proximi Apostolorum egregij tractatores, qui eum testem adhibentes, nihil se adhibere, nisi diuinum testimonium crediderunt. Ade, quod omnes veteres hunc librum Salomonis esse assertunt; ex quo manifestè sequitur esse canonicum. **Eusebius** lib. 4. histor. cap. 22. dicit, Egesippum & Irenaeum, & omnem antiquorum chorū hunc librum Salomonis esse existimasse. Pari ratione **Tertullianus** de præscript. **Cyprianus** serm. de mortalitate. **Hilarius** in Psal. 127. **Ambrosius** serm. 8. in Psal. 118. **Basilius** lib. 5. contra Eunomium, **Epiphanius** heres. Anomæorum, nomine Salomonis hunc librum citant. Quod vero D. Hieronymus præfatione in librum Salomonis, hunc librum dicit à multis putari Philonis Iudæi, & D. Augustinus lib. 2. doct. Christ. ca. 8. dicit esse Iesu filij Syrach, non est contrarium communi sententiæ doctorum. Nam sententiæ quidem sunt Salomonis, non Philonis, ut veteres dicunt, & clarissimum est ex cap. 9. vbi auctor libri dicit: *Tu elegisti me regem populo tuo, & dixisti me adificare templum in monte sancto tuo,* &c. tamen collectæ sunt hæ sententiæ ab aliquo alio, qui à multis putatur Philo, non ille, qui fuit post Christum, sed alius antiquior, qui quidem verbis Græcis Salomonis sententias complexus est, Spiritu sancto dictante, sicut Proverb. 25. dicuntur parabolæ illæ Salomonis translatæ in librum à viris Ezechie Regis Iuda, cùm antea fortè in schedulis haberentur. D. Augustinus autem sententiam retractauit lib. 2. retract. cap. 4.

Ioannes Caluinus lib. I. Instit. cap. II. §. 8. librum Sapientiæ mendacij coarguit: *Idolorum*, inquit, *origine publico ferè confessu receptum est, quod in libro Sapientia habetur: primos scilicet existisse eorum auctores, qui hunc honorem detulerunt mortuis, & ipsorum memoriam superstitione colerent;* & sane fateor peruersum hunc morem fuisse veruissimum, nec faciem fuisse nego, qua accensus hominum ad idolatriam furor magis exarsit: non tamē concedo hunc fuisse primum male fontem. *Idola enim iam fuisse prius in ſu, quam ista in conſcrandis imaginibus mortuorum ambitio inualuisset, cuius apud prophanos scriptores crebra fit mentio, constat ex Moſe,*

cum Rachelem narrat furata esse patris suo idola, non secundum de communi vitio loquitur. Hæc ille, qui satis aperte falsum esse contendit quod habetur Sapient. 14. de origine idolorum. At Calvinus assumit falsum, & inde colligit aliud falsum. Assumit enim ante Rachelis tempora non fuisse idola quæ hominum figuram referrent: & cum constet tunc aliquæ idola fuisse; deducit prima idola non fuisse imagines hominum, ut liber Sapientiæ docet. At falsum assumit: nam in primis ista ipsa idola, quæ furata est Rachel, erant imagines hominum; vel potius imago hominis. Una enim tantum imago, sed nomine multitudinis utitur Scriptura, quia illud nomen in Hebræo non habet numerum singularem. Vnde Hebræa est תְּרֵפִים quæ quidem idolum significat, hominum figuram repræsentans, & quod arte diaboli loquebatur, & sponsa dabat. Quod hominis figura sit תְּרֵפִים pater ex I. Regum 19. ubi Michol cùm veller eruere Dauidem de manib[us] Saul emisit illum per fenestram, & in lecto loco eius post simulacrum quod hominem referret, in Hebræo est יְמִים pro eo, quod nos habemus statuam, vel simulacrum. Quod autem ista idola loquerentur, patet ex Ezech. 21. ubi enim legimus: Interrogavit idola; in Hebræo est תְּרֵפִים, & similes Zachar. 10. ubi legimus; Simulacula locuta sunt vana. Inde certum est Belum primum Regem Assyriorum, qui ante Rachelem, immo & ante Abraham, fuisse pro Deo adbitum post mortem, ut Eusebius testatur initio Chronicæ: statuam illi à Nino filio positam, fuisse primum idolum publicè propositum ad adorandum, docet Ambrosius in L. ad Rom. siue quicunq[ue] fuit eorum commentariorum aucti & B. Cyrillus lib. 3. in Julianum non procul à fine. Denique in primis idolorum, fuisse fabricationem imaginum humanarum in memoriam defunctorum, ut liber Sapientiæ docet. Cyprianus initio libri de idolorum vanitate. Chrysostomus hom. 87. in Matth. Egesippus apud Hieronymum lib. de viris illustribus, & alij passim.

Sed obiicies; Si statua erecta Belo à Nino filio fuit primum idolum: quomodo verum est, quod liber Sapientiæ dicit, primum idolum factum esse à patre in memoriam filij? Respondeo, statuam Beli fuisse primum idolum publicè ad orationem.

dum propositum: at primum idolum absolutè fuisse imaginem filij mortui à parente factam , & priuatim honoratam. Inde enim inualesce[n]te praua consuetudine (vt in eodem cap. 14. Sap. dicitur) coepit sicut tyrannorum imperio publicè colifigmenta.

CAPUT XIV.

¶ De Ecclesiastico.

IBRVM Ecclesiastici, quod ex eo multa dogmata fidei luculenter probentur, vehementer Caluinus odit: *Vnde, inquit in antidoto, melius facem haurirent? nec tamen habet aliquid, quod ei obiiciat.* Nos autem contrà multis veterum testimoniosis auctoritatem eius libri confirmare possumus. CLEMENS ALEXANDRINVS lib. 7. Stromatum propè extremo, citans cap. 4. Eccles. sic ait: *Sequentes autem Scripturas, confirmemus quod dictum est.* S. CYPRIANVS lib. 3. epist. 9. citans cap. 7. *Sed Et Salomon,* inquit, *in Spiritu sancto constitutus, testatur Et dicit.* EPIPHANIVS in hæref. Anomœorum numerat inter sacros ac diuinos libros Sapientiam Salomonis & filij Sirach, id est, Ecclesiasticum. Ex quo intelligimus eundem Epiphanium cum in lib. de mens. & ponder. dicit, hos libros non esse receptratos; de sententia Iudeorum esse loquutum. D. AMBROSIUS lib. 4. de fide, cap. 4. verba Ecclesiastici, ex cap. 24. diuina oracula nominauit. B. AVGUSTINVS in lib. ad Orosium contra Priscillianistas: *Clamat, inquit, Scriptura diuina; Altiora te ne quæseris, que sententia Ecclesiastici nostri est.* Denique Clemens & Cyprianus locis citatis, SIXTUS II. in epist. ad Gratium, DAMASUS in epist. ad Episcopos Italiæ, BASILIUS lib. 4. in Eunomium, AMBROSIUS in cap. 7. prioris ad Corinth. HIERONYMUS in cap. 10. Ecclesiastæ, & GREGORIUS lib. 10. moralium; cap. 14. hunc librum non solum citant, sed etiam Salomonis attribuunt: nunquam autem dubium fuit quin Salomonis libri canonici, ac diuini habendi essent. At Epiphanius in hærefi Anomœorum, & alij nonnulli auctorem libri huius Iesum Sirach esse volunt. Respondeo, facile potuisse fieri, vt Iesus Sirach sententias Salomonis à se diligenter collectas in unum volumen redegerit. ita uterque auctor dici poterit.

Vide Epiphanium de mens. et pond. pag. 412. B. CAPUT